

Служба во Святой и Великий Вторник Страстной седмицы.

Вечером понедельника

Чтётся кафисма 9.

По кафизме седялен глас 4:

Женихъ, братіе, возлюбим, свещи своя украсим, в добродѣтелях сияюще и вере правой: да яко мудрыя Господни дѣвы готови внидем с Ним на браки. Жених бо дары, яко Бог, всем подаёт нетлѣнный венѣц.

Слава, и ныне, Богородичен: <далее см. основной Чин>

Изменяемое №1

На Господи возвах:

Стѹх: Изведи из темницы душу мою, исповѣдатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины возвах к Тебѣ, Господи, Господи, услыши глас мой.

Стѹх: Да будут уши Твои внимлюще гласу молѣния моего.

Стѹх: Аще беззаконія назириши, Господи, Господи, кто постоит; яко у Тебѣ очищение есть.

Глас 1: Во Свѣлостех святыхъ Твоихъ, како вниду, недостойный? Аще бо дерзну совнѣти в чертогъ, одежда мя обличает, яко несть брачна, и связан, извержен буду от Ангелов: очисти, Господи, скверну души моея, и спаси мя яко Человеколюбецъ.

Стѹх: Имене ради Твоего потерпѣхъ Тя, Господи, потерпѣ душа моя в слово Твое, упова душа моя на Господа.

Глас 2: Душевною лѣностию воздремавша, не стяжахъ, Женише Христѣ, горяща светильника, иже от добродѣтелей, и дѣвамъ уподобихся бѹимъ, во время дѣлания глумляся: утробы щедротъ Твоихъ не затвори мене, Владыко, но оттряс мой омраченный сонъ, возстави, Милостиве, и с мудрыми введи дѣвами в чертогъ Твой, идеже глас чистый празднующихъ и вопиющихъ непрестанно: Господи, слава Тебѣ.

Стѹх: От стражи утрення до нощи, от стражи утрення, да уповаетъ Израиль на Господа.

Глас 4: Скрывшаго талант осуждение слышавши, о душе, не скрывай словеса Божия, возвещай чудеса Его, да умножаящи дарование, внидеши в радость Господа твоего.

Стіх: *Яко у Господа милость, и многое у Него избавление, и Той избавит Израиля от всех беззаконий его.*

Глас 6: Приидите, вернии, делаим усердно Владыце: подавает бо рабom богатство, и по равенству кийждо многоусугубим благодати талант: ов убо мудрость да приносит дела благими, ов же службу светлости да совершает? Да приобщается же словом верный, тайны ненаученному, и да расточает богатство убогим другим: сие бо заимованное многоусугубим, и яко строителие вернии благодати, Владычния радости сподобимся: тоя нас сподоби, Христэ Боже, яко Человеколюбец.

Стіх: *Хвалите Господа вси языцы, похвалите Его вси людие.*

Егда приидеши во славе, со ангельскими силами, и сядеши на престоле, Иисусе, разсуждения, да мя, Пастырю Благий, не разлучиши, пути бо десныя веси, развращени же суть шуии. Да не убо с козлищи грубаго мя грехом погубиши: но десным мя сочетав овцам, спаси яко Человеколюбец.

Стіх: *Яко утвердися милость Его на нас, и истина Господня пребывает во век.*

Женише, добротою красныи паче всех человек, призывый нас к трапезе духовней чертога Твоего, нелепый мой зрак прегрешений совлещи, причастием страданий Твоих: и одеждею славы украсив Твоея красоты, собеседника света мя покажи Твоего Царствия, яко Милосерд.

Слава, и ныне, глас 7: Се тебе талант Владыка вверяет, душе моя, страхом прими дар, займствуй давшему ти, раздавай нищим, и стяжи друга Господа, да станеши одесную Его, егда придет во славе, и услышиши блаженный глас: вниди, рабе, в радость Господа твоего. Тоя достойна мя сотвори, Спасе, заблудившаго, великия ради Твоея Милости. *<далее см. основной Чин>*

[Изменяемое №2](#)

[Прокимен после «Свете тихий»:](#) *См. Прокимен дня <далее см. основной Чин>*

[Изменяемое №3](#)

[Паримии:](#)

Прокімен глас 6: Яко у Гóспода мíлость, и мнóгое у Него́ избавлénие. **Стих:** Из глубины́ воззва́х к Тебé, Гóсподи, Гóсподи, услы́ши глас мой.

Прорóчества Йезеки́илева чтénие.

Внегда́ идя́ху (живóтная), идя́ху (и колéса), и внегда́ стоя́ти им, стоя́ху (и колéса с нíми): и егда́ воздвиза́хуся от земли́, воздвиза́хуся с нíми (и колéса), я́ко дух жíзни бя́ше в колесéх. И подóбие над главо́ю живóтных я́ко твердь, я́ко видénие криста́лла, простéртое над крила́ми их свýше. И под твёрдию крíла их простéрта, паря́ще друг ко дру́гу, кому́ждо два спряже́на, прикрыва́юще телеса́ их. И слы́шах глас крил их, внегда́ паря́ху, я́ко глас вод мнóгих, я́ко глас Бо́га Садда́й; и внегда́ ходíти им, глас сло́ва я́ко глас полка́: и внегда́ стоя́ти им, почива́ху крíла их. И се глас превýше твёрди сýщия над главо́ю их, внегда́ стоя́ти им, низпуска́хуся крíла их. И над твёрдию, я́же над главо́ю их, я́ко видénие ка́мене сапфи́ра, подóбие престóла на нем, и на подóбии престóла подóбие, я́коже вид челове́чь свéрху. И вíдех я́ко видénие илэ́ктра, я́ко видénие огня́ внутрь Его́ о́крест от видénия чресл и вýше, и от видénия чресл да́же до до́лу вíдех видénие огня́, и свет Его́ о́крест. Я́ко видénие дугí, егда́ есть на о́блацех в день дождя́, та́ко стоя́ние свéта о́крест. Сие́ видénие подóбие сла́вы Госпо́дни.

Прокімен глас 6: Воскресни́, Гóсподи, в поко́й Твой, Ты, и кивóт свята́ни Твоея́. **Стих:** Помяни́, Гóсподи, Дави́да и всю крóтость его́.

Изменяемое №3

Исхо́да чтénие.

Сни́де дочь фараóнова измы́тиса на ре́ку, и рабы́ни ея́ прохожда́ху при реце́: и вíдевши ковче́жец в лучи́це, посла́вши рабы́ню, взя́ ѿ. Отвэ́рзши же вíдит отроча́ пла́чущееся в ковче́жец, и пощаде́ е дочь фараóня, и рече́: от дете́й евре́йских сие́. И рече́ сестра́ его́ дщэ́ри фараóнове: хо́щеш ли призову́ ти жену́ корми́лицу от евре́й, и воздо́йт ти отроча́? И рече́ ей дочь фараóнова: иди́. Шéдши же отрокови́ца, призва́ ма́терь отроча́те.

Рече же к ней дщерь фараонова: соблюди ми отроча сие, и воздой ми е: аз же дам ти мзду. Взя же отроча жену, и дояше е. Возмужавшу же отрочати, введе е ко дщери фараонове. И бысть ей в сына: и нарече имя ему Моисей, глаголющи: от воды взял его.

[Прокимен](#) *глас 4*: Се что добро, или что красно? Но еже жити братии вкупе. Чтец, *Стих*: Яко миро на главе, сходящее на браду, браду Аарону.

[Изменяемое №3](#)

Йова чтение.

Бысть яко день сей, сынове Йовлевы и дщери его пяху вино в дому брата своего старейшаго. И се вестник прииде ко Йову, и рече ему: супруги волы оряху, и ослицы пасяхуся близ их: И пришедше пленители пленisha их, и отроки избisha мечем, и спасохся аз един, и придох возвестити тебе. Еще сему глаголющу, прииде ин вестник, и рече ко Йову: огонь спад с небес, и пожже овцы, и пастыри пояде подобие: спасохся же аз един, и придох возвестити тебе. Еще сему глаголющу, прииде ин вестник, и рече ко Йову: конницы сотвориша начальства три, и окружиша вельблюды, и пленisha их, и отроки избisha мечми: спасохся же аз един, и придох возвестити тебе. Еще сему глаголющу, ин вестник прииде, глаголя Йову: сыном Твоим и дщерем Твоим ядущим и пьющим у брата своего старейшаго, внезапно ветер велик найд с пустыни, и коснся четверем углом храмины, и пад схрамина на дети Твоя, и скончашася: спасохся же аз един, и придох возвестити тебе. Тако (услышав) Йов, встав растерзав ризы своя, и остриже власы главы своея (и посыпав перстию главу свою) и пад на землю, поклонися (Господеву), и рече: сам наг изыдох от чрева матери моея, наг и отиду тамо: Господь даде, Господь отъял: яко Господеву изволися, тако бысть: буди имя Господне благословено (во веки). Во всех сих приключившихся ему ничтоже согреши Йов пред Господом (ниже устнама своими), и не даде безумия Богу.

[Изменяемое №3](#)

От Матфея Святаго Евангелиа чтение.

Лик: Сла́ва Тебе́, Го́споди, сла́ва Тебе́.

Рече́ Госпо́дь Свои́м ученико́м: о дни и часе́ прише́ствия Сы́на Чело́вече́скаго никто́же ве́сть, ни А́нгели Небе́снии, то́кмо Оте́ц Мой еди́н. Яко́же бо бы́сть во дни Но́евы: Та́ко бу́дет и прише́ствие Сы́на Чело́вече́скаго. Яко́же бо бе́ху во дни прё́жде пото́па, яду́ще и пи́юще, жени́щися и посяга́юще, до не́гоже дне́ вни́де Но́е в ковче́г. И не уве́деша, до́ндеже при́иде вода, и взят вся, та́ко бу́дет и прише́ствие Сы́на Чело́вече́скаго. То́гда два бу́дета на селе́: еди́н поёмлется, а други́й оста́вляется. Две ме́люще в же́рнах: еди́на поёмлется, и еди́на оста́вляется. Бди́те у́бо, я́ко не ве́сте, в кий час Госпо́дь ваш при́идет. Си́е же ве́дите, я́ко а́ще бы ве́дал до́му влады́ка, в кю́ю стра́жу та́т при́идет, бдел у́бо бы, и не бы дал подко́пати хра́ма свое́го. Сего́ ра́ди и вы бу́дите гото́вы, я́ко во́ньже час не мните́ Сын Чело́вече́ский при́идет. Кто у́бо е́сть ве́рный раб и му́дрый, е́гоже поста́вит госпо́дин е́го над домо́м свои́м, еже да́ти им пи́щу во вре́мя их? Блаже́н раб той, е́гоже прише́д госпо́дин е́го обря́щет та́ко творя́ща. Ами́нь, глаго́лю вам, я́ко над все́м имением Свои́м поста́вит е́го. А́ще ли же рече́т злы́й раб той в се́рдцы сво́ем, косни́т госпо́дин мой прии́ти, и начне́т би́ти кле́вреты́ своя́, я́сти же и пи́ти с пья́ницами; При́идет госпо́дин раба́ то́го в день, во́ньже не ча́ет, и в час, во́ньже не ве́сть, и протёшет е́го полма, и часть е́го с не́верными положи́т: ту бу́дет пла́чь и скре́жет зубо́м. То́гда уподо́бися Ца́рствие Небе́сное де́сяти́м де́вам, я́же прия́ша свети́льники́ своя́, и изыдо́ша в сре́тение жениху́. Пять же бе́ от них му́дры, и пять юро́дивы. Юро́дивыя же прие́мша свети́льники́ своя́, не взя́ша с собо́ю еле́а. Му́дрыя же прия́ша еле́й в сосу́дах, со свети́льниками́ свои́ми. Косня́щу же жениху́, воздрема́шася вся, и спаху́. Полу́нощи же вопль бы́сть, се жени́х гряде́т, исходите́ в сре́тение е́го. То́гда воста́ша вся де́вы ты́я, и украси́ша свети́льники́ своя́. Юро́дивыя же му́дрым ре́ша, да́дите нам от еле́а ва́шего, я́ко свети́льницы́ на́ши угаса́ют. Отвеща́ша же му́дрыя, глаго́люща: Еда́ ка́ко недоста́нет нам и вам? Иди́те же па́че к прода́ющим, и купи́те себе́. Иду́щим же им купи́ти, при́иде жених, и гото́вый внидо́ша с ним на бра́ки: и затворе́ны бы́ша двéри. Последи́ же приидо́ша и

про́чыя дэ́вы, глаго́люща: Го́споди, Го́споди, отве́рзи нам. Он же отве́щав рече́ им: ами́нь, глаго́лю вам, не вем вас. Бди́те у́бо: я́ко не ве́сте дне ни часа́, во́ньже Сын Чело́веческий Прии́дет. Я́коже бо чело́век не́кий отходя́ призва́ своя рабы, и предаде́ им имéние свое́. И о́вому у́бо даде́ пять тала́нт, о́вому же два, о́вому же еди́н, кому́ждо проти́ву си́лы его́: и оты́де а́бие. Шед же прие́мый пять тала́нт, де́ла в них, и сотвори́ други́я пять тала́нт. Та́кожде и и́же два, приобрете́ и той други́я два. Прие́мый же еди́н, шед вкопа́ его́ в зе́млю, и скры́ сребро́ господи́на своего́. По мно́зе же вре́мени прии́де господи́н раб тех, и стязáся с ни́ми о словеси́. И присту́пль пять тала́нт прие́мый, принесё́ други́я пять тала́нт, глаго́ля: Го́споди, пять тала́нт ми еси́ пре́дал, се други́я пять тала́нт приобрето́х и́ми. Рече́ же ему́ госпо́дь его́: до́брый рабе, благи́й и ве́рный, о ма́ле был еси́ ве́рен, над мно́гими тя поста́влю: вни́ди в ра́дость Го́спода твоего́, Присту́пль же и и́же два тала́нта прие́мый, рече́: Го́споди, два тала́нта ми еси́ пре́дал, се други́я два тала́нта приобрето́х и́ма. Рече́ же ему́ Го́сподь его́: до́брый рабе, благи́й и ве́рный, о мале ми был еси́ ве́рен, над мно́гими тя поста́влю: вни́ди в ра́дость Го́спода твоего́. Присту́пль же и прие́мый еди́н тала́нт рече́: Го́споди, ве́дях тя, я́ко же́сток еси́ чело́век, жне́ши иде́же не се́ял еси́, и собира́еши ю́дуже не расточи́л еси́, и убоя́вся шед скры́х тала́нт твой в земли́: и се и́маши твое́. Отве́щав же Госпо́дь его́ рече́ ему́: лука́вый рабе и ле́нивый, ве́द्याше я́ко жну́ иде́же не се́ях, и собира́ю ю́дуже не расточи́х: Подоба́ше у́бо тебе́ вда́ти сребро́ моё торжни́ком, и прише́д аз взял бых свое́ с ли́хвою. Возми́те у́бо от него́ тала́нт, и дади́те имущему́ де́сять тала́нт. Имущему́ бо вездé дано́ бу́дет, и преизбу́дет: от не иму́щаго же, и еже мни́тся имéя, взято́ бу́дет от него́. И неключи́мага раба́ вве́рзите во тьму́ кромéшную: ту бу́дет плачь и скре́жет зубо́м. Сия́ глаго́ля возгласи́: имéяй у́шы слы́шати, да слы́шит. Егда́ же прии́дет Сын Чело́веческий в сла́ве Своёй, и вси святи́и а́нгели с Ним, тогда́ сядет на престóле сла́вы Своея́, и соберу́тся пред Ним вси язы́цы: и разлучи́т их друг от дру́га, я́коже Па́стырь разлучáет овцы́ от ко́злиц. И поста́вит о́вцы одесну́ю Себе́, а ко́злица ошу́ю. Тогда́ рече́т Царь́ су́щым одесну́ю Его́: Прииди́те,

благословѣннии Отца Моего, наследуйте уготованное вам Царствие от сложения мира. Взалкахся бо, и дасте Ми ясти: возжадохся, и напоите Мя: странен бех, и введоште Мене: наг, и одеясте Мя: болен, и посетите Мене: в темнице бех и приидоште ко Мне. Тогда отвещают Ему праведницы, глаголюще: Господи, когда Тя видехом алчуща и напитахом? Или жаждуща и напоихом? Когда же Тя видехом странна, и введохом? Или нага, и одеехом? Когда же Тя видехом боляща или в темнице, и приидохом к Тебе? И отвещав Царь речет им: аминь, глаголю вам, понеже сотворите единому сих братьев Моих меньших, Мне сотворите. Тогда речет и сущим ошуюю Его: идите от Мене, проклятии, во огонь вечный, уготованный диаволу и ангелом его. Взалкахся бо, и не дасте Ми ясти: возжадохся, и не напоите Мене: странен бех, и не введоште Мене: наг, и не одеясте Мене: Болен, и в темнице, и не посетите Мене. Тогда отвещают Ему и тии, глаголюще: Господи, когда Тя видехом алчуща, или жаждуща, или странна, или нага, или болен, или в темнице и не послужихом Тебе? Тогда отвещает им, глаголя: аминь, глаголю вам, понеже не сотворите единому сих меньших, ни Мне сотворите. И идут сии в муку вечную, праведницы же в живот вечный. И бысть егда сконча Иисус вся словеса Сия, рече учеником Своим: весте, яко по двою дню Пасха будет, и Сын Человеческий предан будет на пропятие.

Лик: Слава Тебе, Господи, слава Тебе.

<далее см. основной Чин>

Изменяемое №8

Канон (двопеснец) *глас 2:*

Песнь 8

Ирмос: Велению мучителю преподобнии трие отроцы не повинувшися, в пещь ввержени, Бога исповедаху поюще: Благословите дела Господня Господа.

Припев: Слава Тебе, Боже наш, слава Тебе.

Леность далече нас отвержим, и светлыми свещами безсмертного Жениха Христа, пением усрящим, благословите, вопиюще, дела Господня Господа.

Слава Тебе, Боже наш, слава Тебе.

Да удовлѣет общітѣльный душі нашея елѣй в сосѹдах, яко да не на кѹплю положше время по́честей, поѣм: благословіте дела Господня Господа.

Сла́ва Тебѣ, Бо́же наш, сла́ва Тебѣ.

Талант ели́цы от Бо́га при́ясте, равносі́льную благодать, по́мощию да́вшаго Христа́ возра́стите, пою́ще: благословіте дела Господня Господа.

Благослови́м Отца́, и Сы́на, и Свята́го Ду́ха, Го́спода.

Талант ели́цы от Бо́га при́ясте, равносі́льную благодать, по́мощию да́вшаго Христа́ возра́стите, пою́ще: благословіте дела Господня Господа.

И ны́не: Талант ели́цы от Бо́га при́ясте, равносі́льную благодать, по́мощию да́вшаго Христа́ возра́стите, пою́ще: благословіте дела Господня Господа.

Честне́йшую: не поѣм, но а́бие:

Песнь 9

Ирмо́с: Невмести́мага Бо́га во чре́ве вмести́вшая, и Ра́дость ми́ру роди́вшая, Тя поѣм, Богоро́дице Де́во.

Сла́ва Тебѣ, Бо́же наш, сла́ва Тебѣ.

Ученико́м благи́й, бди́те, рекл еси́, во́ньже час при́дет Госпо́дь, не разуме́ете, отда́ти кому́ждо.

Сла́ва Тебѣ, Бо́же наш, сла́ва Тебѣ.

Во второ́м Твоём и Стра́шном прише́ствии, Влады́ко, десны́м овца́м мя сопричті́, прегреш́ений презрэ́в мо́их мно́жества.

Сла́ва: Во второ́м Твоём и Стра́шном прише́ствии, Влады́ко, десны́м овца́м мя сопричті́, прегреш́ений презрэ́в мо́их мно́жества.

И ны́не: Во второ́м Твоём и Стра́шном прише́ствии, Влады́ко, десны́м овца́м мя сопричті́, прегреш́ений презрэ́в мо́их мно́жества.

<далее см. основной Чин>

Изменяемое №9

Свети́лен:

Чертóг Твой ви́жду, Спа́се мой, украше́нный, и оде́жды не íмам, да вни́ду в о́нь: просвети́ одея́ние душі́ моея́, Светода́вче, и спаси́ мя.

Сла́ва: Черто́г Твой ви́жду, Спа́се мой, украше́нный, и оде́жды не
и́мам, да вни́ду в онь: просвети́ одея́ние душі́ моея́, Светода́вче, и
спаси́ мя.

И ны́не: Черто́г Твой ви́жду, Спа́се мой, украше́нный, и оде́жды не
и́мам, да вни́ду в онь: просвети́ одея́ние душі́ моея́, Светода́вче, и
спаси́ мя.

<далее см. основной Чин>

Изменяемое №10

На стихо́вне стихи́ры **глас 6:**

Прииди́те, ве́рнии, де́лаим усердно Влады́це: подава́ет бо рабо́м
бога́тство, и по ра́венству кий́ждо да мно́гоусугу́бим благода́ти
тала́нт. Ов у́бо му́дрость да прино́сит де́лы благо́ими, ов же служ́бу
све́тлости да соверша́ет: да приобща́ется же сло́вом ве́рный, тайны́
ненауче́нному, и да расточа́ет бога́тство убо́гим други́й: си́це бо
заимова́нное мно́гоусугу́бим, и я́ко строите́лие ве́рнии благода́ти,
влады́чния ра́дости сподо́бимся: тоя нас сподо́би, Христé Бо́же, я́ко
Человеколю́бец.

Стих: *Испол́нихомся зау́тра ми́лости Твоея́, Го́споди, и возра́довахомся, и
возвесели́хомся; во вся дни на́ша возвесели́хомся, за дни в ня́же смири́л ны еси́,
ле́та в ня́же ви́дехом зла́я. И при́зри на рабы Твоя́, и на дела Твоя́, и наста́ви сы́ны
их.*

Егда́ приидеши во сла́ве, со а́нгельскими си́лами, и сядеши на
престо́ле, Иису́се, рассу́ждения, да мя, Пасты́рю Благо́й, не
разлучи́ши, пу́ти бо десны́я ве́си, развраще́ни же суть шу́ии. Да не
у́бо с ко́злищи гру́баго мя грехо́м погуби́ши: но десны́м мя сочета́в
овца́м, спаси́ я́ко Человеколю́бец.

Стих: *И бу́ди све́тлость Го́спода Бо́га на́шего на нас, и дела́ рук на́ших испра́ви
на нас, и де́ло рук на́ших испра́ви.*

Женише́, добро́тою кра́сный па́че всех челове́к, призва́вый нас к
трапе́зе духо́вней черто́га Твоего́, неле́пый мой зрак прегреше́ний
совлецы́ прича́стием страда́ний Твои́х: и оде́ждою сла́вы украси́в
Твоея́ красоты, сообе́дника све́тла мя покажи́ Твоего́ Ца́рствия, я́ко
Милосе́рд.

Сла́ва, и ны́не, глас 7: Се тебе́ тала́нт Влады́ка вверяет, душе́ моя́,
стра́хом приими́ дар, займствуй да́вшему, раздава́й ни́щым, и стяжи́

друга Господа, да станешь одесную Его, егда придет во славе, и услышиши блаженный глас: вниди, раба, в радость Господа твоего. Той достойна мя сотвори, Спасе, заблудившаго, великия ради Твоея милости. *<далее см. основной Чин>*

Утром вторника

Изменяемое №11

Чтется кафисма 10.

По кафизме седален *глас 4:*

Совет, Спасе, беззаконный на Тя, священницы и книжницы завистию собравше люте, в предательство подвигоша Иуду: темже безстыдно исхождаше, глаголаше на Тя беззаконным людем: что ми, глаголет, дадите, и аз вам Его предаю в руки ваша; осуждения сего избави, Господи, души наша.

Слава, и ныне, Богородичен: <далее см. основной Чин>

Изменяемое №12

Чтется кафисма 11.

По кафизме седален *глас 8:*

Иуда разумом сребролюбствует, на учителя враждебне подвизается, советуется, поучается преданию, света отпадает, тьму прием, соглашает цену, продает Безценного: темже и удушение, возмездие еже содея обретает окаянный, и лютую смерть, предав Тебе, Господа. Того нас части избави, Христэ Боже, прегрешений оставление даруя, празднующим верою пречистую страсть Твою.

Слава, и ныне, Богородичен: <далее см. основной Чин>

Изменяемое №13

Тропарь *глас 8:*

Се Жених грядет в полунощи,/ и блажен раб, Егже обрящет бдяща,/ недостойн же паки, Егже обрящет унывающа./ Блуди убо, душе моя,/ не сном отяготися,/ да не смерти предана будеши,/ и Царствия вне затворишися,/ но восприни зовущи:/ Свят, Свят, Свят еси, Боже,/ Богородицею помилуй нас. *<далее см. основной Чин>*

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Ег.

Стих: Хвалите Бога во святых Ег,/ хвалите Ег во утвержении силы Ег.

Стих: Хвалі́те Егѡ на сі́лах Егѡ, хвалі́те Егѡ по мно́жеству велі́чества Егѡ.

Во свѣ́тлостех святы́х Твоих, ка́ко вні́ду, недостѡ́йный? А́ще бо дерзну́ совні́ти в черто́г, оде́жда мя облича́ет, я́ко несть бра́чна, и связа́н, извѣ́ржен буду́ от А́нгелов: очи́сти, Го́споди, скве́рну душі́ моея́, и спасі́ мя я́ко Чело́веколю́бец.

Стих: Хвалі́те Егѡ во гласе тру́бнем, хвалі́те Егѡ во псалт́ири и гу́слех.

Во свѣ́тлостех святы́х Твоих, ка́ко вні́ду, недостѡ́йный? А́ще бо дерзну́ совні́ти в черто́г, оде́жда мя облича́ет, я́ко несть бра́чна, и связа́н, извѣ́ржен буду́ от А́нгелов: очи́сти, Го́споди, скве́рну душі́ моея́, и спасі́ мя я́ко Чело́веколю́бец.

Стих: Хвалі́те Егѡ в тимпа́не и ли́це, хвалі́те Егѡ во стру́нах и орга́не.

Глас 2: Душе́вною ле́ностию воздрема́вся, не стяжа́х, Женише́ Христѣ́, горя́ща свети́льника і́же от добродѣ́телей, и де́вам уподо́бихся бу́им, во вре́мя де́лания глумля́ся: утробы́ щедро́т Твои́х не затвори́ мне, Влады́ко, но оттря́с мой омраче́нный сон, возста́ви, и с му́дрыми введи́ де́вами в черто́г Твой, иде́же глас чи́стый пра́зднующих и вопи́ющих непреста́нно: Го́споди, сла́ва Тебе́.

Стих: Хвалі́те Егѡ в кимва́лех доброглас́ных, хвалі́те Егѡ в кимва́лех восклицáния. Вся́кое дыха́ние да хва́лит Го́спода.

Душе́вною ле́ностию воздрема́вся, не стяжа́х, Женише́ Христѣ́, горя́ща свети́льника і́же от добродѣ́телей, и де́вам уподо́бихся бу́им, во вре́мя де́лания глумля́ся: утробы́ щедро́т Твои́х не затвори́ мне, Влады́ко, но оттря́с мой омраче́нный сон, возста́ви, и с му́дрыми введи́ де́вами в черто́г Твой, иде́же глас чи́стый пра́зднующих и вопи́ющих непреста́нно: Го́споди, сла́ва Тебе́.

Сла́ва, глас 4: Скры́вшаго тала́нт осужде́ние слы́шавши, о душе́, не скрыва́й словесе́ Бо́жия, возвеща́й чудеса́ Егѡ, да умно́жающи дарова́ние, вні́деши в ра́дость Го́спода твоего́.

И ны́не, Богоро́дичен: <см. основной Чин>

Изменяемое №15

Конда́к глас 2:

Час душе́ конца́ помы́сливши,/ и посече́ния смоко́вницы убо́явшись,/ да́нный тебе́ тала́нт трудолю́бно де́лай, ока́янная,/ бо́дрствующи и зову́щи:/ да не пребу́дем вне черто́га Христо́ва.

<далее см. основной Чин>